

U G O V O R
za nabavku usluge kompletnog servisa SOCOMEC UPS-a
za potrebe Ustavnog suda Bosne i Hercegovine

1. **USTAVNI SUD BOSNE I HERCEGOVINE** sa sjedištem u Sarajevu, ul. Reisa Džemaludina Čauševića 6/III, kojeg zastupa generalni sekretar Ustavnog suda Bosne i Hercegovine Nataša Vuković (u daljnjem tekstu: **Naručilac**)
- i
2. **SICON SAS d.o.o. Tuzla**, Čaklovići br. 26, koga zastupa direktor Samir Salković (u daljnjem tekstu: **Izvršilac**)

Član 1.
(Predmet ugovora)

Predmet ugovora je kompletan servis SOCOMEC UPS-a Naručioca, a na osnovu Ponude Izvršioca broj UDB 121021-1 od 10. decembra 2021. godine, koja je sastavni dio ovog ugovora.

Član 2.
(Vrijednost ugovora)

Ukupna vrijednost ovog ugovora definisana je Ponudom Izvršioca i iznosi 4.175,00 KM bez uračunatog PDV-a odnosno 4.884,75 KM sa uračunatim PDV-om.

Opis usluge i pojedinačne cijene sadržane su u Ponudi Izvršioca iz člana 1. ovog ugovora.

Član 3.
(Način plaćanja)

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana od dana prijema računa sa svim pripadajućim priložima od strane Izvršioca i bez primjedbi, račun proslijediti na plaćanje Ministarstvu finansija i trezora BiH.

Izvršilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 4.
(Rok izvršenja usluge)

Rok za izvršenje usluga iz člana 1. ovog ugovora je do 31. decembra 2021. godine.

Član 5.
(Garancija)

Izvršilac garantuje da će usluge iz člana 1. ovog ugovora izvršiti kvalitetno, savjesno, blagovremeno, uz angažovanje stručnih i obučениh servisera, a u cilju potpunog i detaljnog servisa uređaja i njegovo puštanje u rad.

Izvršilac garantuje da će ugrađeni dijelovi biti tvornički novi, neupotrebljavani, originalni i odgovarajući.

Garantni rok na izvršenu uslugu i na ugrađene dijelove je minimalno jedna godina.

Ukoliko se za vrijeme trajanja garancije pokaže da nedostaci nisu adekvatno otklonjeni, Izvršilac je obavezan, u što je moguće kraćem roku i o svom trošku, iste popraviti odnosno otkloniti.

Član 6.
(Zaštita prava)

U slučaju spora po odredbama ovog ugovora, ugovorne strane će ga nastojati riješiti mirnim putem, a u protivnom nadležan je Sud Bosne i Hercegovine u Sarajevu.

Na sva prava i obaveze ugovornih strana koja nisu regulisana ovim ugovorom, primjenit će se odredbe Zakona o obligacionim odnosima u Bosni i Hercegovini.

Član 7.
(Stupanje na snagu)


Ovaj ugovor stupa na snagu danom potpisivanja od strane ovlaštenih osoba ugovornih strana.


Član 8.
(Broj primjeraka ugovora)

Ovaj ugovor sačinjen je u četiri istovjetna primjerka, od kojih svaka ugovorna strana zadržava po dva primjerka.

ZA IZVRŠIOCA:

ZA NARUČIOCA:

Direktor

Samir Salković

Generalni sekretar Ustavnog suda BiH

Nataša Vuković

Broj: 1141
Datum, 21.12.2021

Broj: SU-08-1034-2/21
Datum, 13. decembar 2021. godine

